

Շահնագարեանի քննութեան համեմատ պէտք է ընդունել թէ Մովսէս Կաղանկաւյ տուացին ժամանակակից է ամբողջ այս շրջանին, այսինքն Վաչագան Բէն մինչև Եղիազար (505-690), հարիւր ութսուն և հինգ տարուան միջոց մը և աւելի ևս որովհետև 505ին՝ Վաչագան Բի թագաւորութեան ժամանակ՝ դարձեալ պատմութեան համեմատ՝ Մովսէս ականատես եղած էր մոգերուն տանջանարաններուն. (Մով. Կաղ. Ա. հատ. էջ 144): Արդ՝ այնպիսի դէպքի մը ականատես ըլլալու և յետոյ ալ զայն յիշել կարողանալու համար՝ պէտք է որ Մովսէս գրէ 10-15 տարեկան եղած ըլլար. որով կը գտնուի անոր ծննդեան մատաւոր թուականը՝ 490-495: Ինչ որ ալ ըլլայ անկարելի է որ Մովսէս 195-200 տարի ապրած ըլլայ և հետեւաբար անկարելի է նաև որ ժամանակակից եղած ըլլայ այն դէպքերուն և այն շրջանին:

Ե

Մովսէս Կաղանկաւյտուացին ապրած է տասներորդ դարուն. և ասոր ապացոյց այն է՝ թէ իր պատմութիւնը կը հասցնէ մինչև տասներորդ դար, ընաւ պատճառ մը չունինք ըսելու համար թէ Աղուաններու պատմութեան երրորդ գիրքը նոյն Մովսէսէն չէ, այլ ուրիշ Մովսէսի մը շարայարութիւնը. քանի որ գրքին վերտառութիւնը այդպիսի բան մը չ'յայտներ, այլ ընդհակառակը կը հաստատէ թէ միեւնոյն հեղինակին գործն է. « Մովսիսի « Կաղանկաւյտուացոյ երրորդ գիրք պատմութեան Աղուանից »:

Նոյն իսկ Շահնագարեան այս կարծիքն ունեցած է՝ արդէն ընդունած ըլլալուն համար թէ Մովսէս եօթներորդ դարէն է: Արդ՝ քանի որ կը հաստատուի թէ Մովսէս այն շրջանին ժամանակակից չ'լինար ըլլալ, անհիմն կը մնայ Շահնագարեանի այս հետեւութիւնն ալ՝ թէ Աղուանից պատմութեան երրորդ գիրքը նոյն Մովսէսէն չէ:

Ուրիշ ապացոյց կրնայ համարուիլ այն թէ Մովսէս կը յիշէ Բագրատունիները, այնպիսի տեղ մը՝ ուր պէտք չ'կար յիշելու և ուր միւս ցեղերուն կամ նախարարութիւններուն վրայ խօսք չ'կայ. « Աստ բարձաւ թագաւորութիւն « յԱրշակունեաց, և հայրապետութիւն ի « ցեղէ սրբոյն Գրիգորի: Իսկ եթէ յաղագս « Բագրատունեացն կամեցիս գիտել, Պա- « րոյր Սկայորդի կոչեցեալ Հրաչեայ՝ թա- « քաւոր Հայոց՝ որդի Հայկակայ, որ խըն- « գրեաց յարքայէն Բարեւացոց զմի ոմն ի

« գերեղոցն Հրէից Շրաթ անուն, զոր ամեալ « քնակեցոյց յերկրին Հայոց մեծաւ պա- « տուով: Ի սմանէ սերեցաւ աղզն Բագրա- « տունեաց ի նուազել մեծադոյն ազգին Յա- « րեթականի »:

Կը տեսնուի որ Բագրատունի ցեղը մասնաւորաբար և առանձին՝ իրրև համապատիւ Արշակունեան ցեղին կը յիշուի ասոնցմէ վերջ. իբրև թէ Մովսէս ըսել ուզէր՝ թէ Արշակունիներէն վերջ կը թագաւորեն Բագրատունիները: Բագրատունեան այս յիշատակութիւնն ուրեմն կ'ակնարկէ թէ այն ժամանակ՝ որ Մովսէս գրեց այս հատուածը՝ Բագրատունիք արդէն մեծ դեր ունէին մեր մէջ և արժանի էին մի միայն իրենք յիշատակուելու և իրրև Արշակունեաց յաջորդ նշանակուելու: Բանաւոր է այս ժամանակն դնել Ժ դարուն՝ ուր Բագրատունիները կը տիրեն արդէն երկրին:

Ուրիշ ապացոյց մը դարձեալ. — Կաղանկաւյտուացին կը յիշուի առաջին անգամ Ստեփաննոս Ասողիկէն ետք՝ ԺԱ դարուն վերջերը և աւելի ետք՝ յաջորդ դարերուն մէջ: Ասողիկ որ Տիեզերական պատմութիւն կը գրէ և որ կը յիշատակէ մեր պատմագիրները իր պատմութեան նախաբանին մէջ՝ չ'յիշեր Կաղանկաւյտուացին: Այս ապացոյց է ուրեմն թէ Կաղանկաւյտուացին եթէ Ասողիկէն վերջ չէ, հազիւ անոր ժամանակակից է:

Զ

Եթէ Կաղանկաւյտուացին տասներորդ դարէն է, բնական է ուրեմն թէ այն դէպքերը որ կը պատմէ Աղուաններու պատմութեան առաջին ժամանակներուն վրայ, քաղուած ըլլան աւանդութենէ և մանաւանդ այլեւալ պատմագիրներէ. ինչպէս ինքն իսկ տեղ մը կը յայտնէ. « Յատոյգ և ի բուն պատմագրաց « այսպէս ծանեաք . . . »:

Դարձեալ, կան երեք գլուխներ որոնք բաւացի օրինակուած են ուրիշ հնագոյն աշխատութիւններէ. մին իր յիշատակարանովը միասին: Այսպէս էջ 221 կը կարդանք:

« Յառաջնում ամի հայրապետութեան Ա- « բասայ, տեսի ես անապատեանս վեհիկ ի « տեսլեան այր մի անապատական, որ ունէր « նշան աստուածային խաչի գրեալ. և ասէր « ցիս զանուն իմ »:

« Եւ ասեմ. ո՞վ ես դու, Տէր, և նա ասէ « ցիս. ես եմ Պօղոսիկ. արդ եկ, երկրպա- « զեա՛ խաչիս, և մի մերձեցցիս ի սա: Եւ « ես զարթուցեալ ի քնոյ . . . »: Եւ ես